

**Broj: 01-07-198-87/10**  
**Mostar, 21.07.2010. godine**

Na osnovu člana 14. i člana 15. Zakona o električnoj energiji („Službene novine Federacije BiH“, broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2) i člana 37. stava (3) i člana 58. Poslovnika o radu FERK-a („Službene novine Federacije BiH“ broj 59/04) i članova 40.- 47., člana 49., člana 50., člana 56. i člana 71. Pravilnika za tarifnu metodologiju i tarifne postupke („Službene novine Federacije BiH“ broj 45/05), odluka Državne regulatorne komisije za električnu energiju - DERK broj 04-28-5-367-42/09, broj 04-28-5-348-78/09 i broj 04-28-5-348-79/09 od 27.04.2010. godine („Službene novine Federacije BiH“ broj 28/10) i Rješenja Regulatorne komisije za električnu energiju u Federaciji Bosne i Hercegovine broj 07-02-1592-82/25/09 od 21.07.2010. godine, broj 07-02-1593-73/26/09 od 21.07.2010. godine i broj 01-07-1311-91/09 od 21.07.2010. godine, Regulatorna komisija za električnu energiju u Federaciji Bosne i Hercegovine – FERK je 21.07.2010. godine na IX. redovnoj sjednici donijela

## **O D L U K U**

**o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar**

### **Član 1.**

Ovom odlukom utvrđuju se tarifni stavovi za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

### **Član 2.**

(1) Tarifni stavovi za korisnike distributivnog sistema primjenjuju se za obračun i fakturisanje usluge korištenja distributivne i prenosne mreže kvalifikovanim kupcima čiji su objekti priključeni na distributivnu mrežu radi nadoknade troškova korištenja distributivne i prenosne mreže, rada NOS-a, uključujući troškove usluga sekundarne i tercijarne regulacije i prekomjerno preuzete reaktivne električne energije.

(2) Tarifni stavovi za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar s primjenom od 01.08.2010. godine su:

TARIFNI STAVOVI ZA KORISNIKE DISTRIBUTIVNOG SUSTAVA (UKUPNA MREŽARINA)												
TARIFNI ELEMENTI	JEDINICA MJERE					NISKI NAPON						
		SEZONSKI	DNEVNI	SREDIJI NAPON		Kućanstva					JAVNA RASVJETA	
				35 kV	10 kV	I tar grupa	II tar grupa	I tar grupa	II tar grupa	III tar grupa		
0	1	2	3	5	6	7	8	9	10	11	12	
MJERNO MJESTO KUPCA	KM			0,00	0,00	0,00	0,00	0,00	0,00	0,00	0,00	0,00
OBR. SNAGA	KM/kW/ mjesec	VIŠI		6,93	8,73	6,60	6,60	11,15	11,15	11,15	1,75	
		NIŽI		5,33	6,71	5,07	5,07	8,57	8,57	8,57	1,34	
AKTIVNA ENERGIJA	pf/kVh	VIŠI	VEĆI	2,15	2,41	7,54	9,43	7,57	11,40	9,12	10,70	
			MANJI	1,07	1,21	0,00	4,72	3,78	5,70	0,00	0,00	
		NIŽI	VEĆI	1,65	1,86	5,80	7,25	5,82	8,77	7,01	8,23	
			MANJI	0,83	0,93	0,00	3,63	2,91	4,38	0,00	0,00	
PREKOMJERNO PREUZETA REAKTIVNA ENERGIJA	pf/kvarh			2,14	2,68	0,00	0,00	3,22	0,00	0,00	0,00	

### Član 3.

U tarifnim stavovima iz člana 2. ove odluke nije ukalkulisan iznos poreza na dodatu vrijednost.

### Član 4.

- (1) Viša (zimski) sezona traje od 01.01. do 28/29.02. i od 01.11. do 31.12.
- (2) Niža (ljetna) sezona traje od 01.03. do 31.10.
- (3) Veći dnevni tarifni stavovi primjenjuju se od 7:00 do 13:00 h i od 16:00 do 22:00 h, tokom zimskog računanja vremena.
- (4) Manji dnevni tarifni stavovi se primjenjuju od 0:00 do 7:00 h, od 13:00 do 16:00 h i od 22:00 do 24:00 h, tokom zimskog računanja vremena, te nedjeljom.
- (5) Veći dnevni tarifni stavovi se primjenjuju od 8:00 do 14:00 h i od 17:00 do 23:00 h, tokom ljetnog računanja vremena.
- (6) Manji dnevni tarifni stavovi se primjenjuju od 0:00 do 8:00 h, od 14:00 do 17:00 h i od 23:00 do 24:00 h, tokom ljetnog računanja vremena, te nedjeljom.
- (7) Omjer između više i niže sezone je 1,3:1, po tarifnim elementima aktivna električna energija i obračunska snaga, dok je omjer većih i manjih dnevnih tarifnih stavova 2:1 po tarifnom elementu aktivna električna energija.

### Član 5.

- (1) Kategorije potrošnje su sljedeće:
  - a) kupci koji električnu energiju preuzimaju na 35 kV naponu
  - b) kupci koju električnu energiju preuzimaju na 10(20) kV naponu
  - c) domaćinstva, koja električnu energiju preuzimaju na 0,4 kV naponu
  - d) ostala potrošnja, koja električnu energiju preuzima na 0,4 kV naponu
  - e) javna rasvjeta, koja električnu energiju preuzima na 0,4 kV naponu.

#### Član 6.

Kupcima koji električnu energiju preuzimaju na 35 kV naponu i 10 (20) kV naponu, obračunava se aktivna električna energija, vršna snaga izmjerena u vrijeme primjene većih tarifnih stavova (obračunska snaga) i prekomjerno preuzeta reaktivna električna energija.

#### Član 7.

(1) Grupe unutar kategorije potrošnje domaćinstva su:

- a) I. tarifna grupa, kupci koji posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,
- b) II. tarifna grupa, kupci koji posjeduju dvotarifno brojilo s uklopnim satom ili nekim drugim uređajem za upravljanje tarifom.

(2) Kupcima I. i II. tarifne grupe iz ovog člana obračunava se izmjerena aktivna električna energija i 1 kW obračunske snage.

#### Član 8.

(1) Grupe unutar kategorije ostala potrošnja su:

- a) I. tarifna grupa, kupci priključni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti veće ili jednako 23 kW i istu ne mogu mijenjati i prelaziti u neku drugu tarifnu grupu,
- b) II. tarifna grupa, kupci priključni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti manje od 23 kW i posjeduju dvotarifno brojilo s uklopnim satom ili nekim drugim uređajem za upravljanje tarifom,
- c) III. tarifna grupa, kupci priključni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti manje od 23 kW i posjeduju jednotarifno brojilo ili dvotarifno brojilo bez uklopnog sata ili nekog drugog uređaja za upravljanje tarifom.

(2) Ukoliko ni Javno poduzeće „Elektroprivreda Hrvatske zajednice Herceg Bosne“ dioničko društvo Mostar ni krajnji kupac ne posjeduju kopije izdate elektroenergetske saglasnosti, tada ostvarenje vršnog opterećenja iz prethodnog perioda određuje pripadnost određenoj grupi unutar kategorija ostala potrošnja.

(3) Kupcima I. tarifne grupe iz ovog člana, obračunava se izmjerena aktivna električna energija, vršna snaga izmjerena u vrijeme primjene većih dnevnih tarifnih stavova (obračunska snaga) i prekomjerno preuzeta reaktivna električna energija.

(4) Kupcima II. i III. tarifne grupe iz ovog člana, obračunava se izmjerena aktivna električna energija i 1 kW obračunske snage.

#### Član 9.

Kupcima iz kategorije potrošnje javna rasvjeta obračunava se izmjerena aktivna električna energija i 1 kW obračunske snage.

### Član 10.

Javno poduzeće „Elektroprivreda Hrvatske zajednice Herceg Bosne“ dioničko društvo Mostar obavezno je tarifne stavove iz ove odluke učiniti dostupnim svim korisnicima distributivnog sistema.

### Član 11.

(1) Tarifni stavovi propisani Odlukom FERK-a o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar od 29.01.2008. godine („Službene novine Federacije BiH“ broj 6/08) prestaju se primjenjivati 31.07.2010. godine.

(2) Ova odluka stupa na snagu danom donošenja, te se objavljuje na oglasnoj tabli FERK-a, web stranici FERK-a, a dispozitiv odluke i u Službenim novinama Federacije BiH.

## O b r a z l o ž e n j e

U skladu sa članom 14. i članom 15. Zakona o električnoj energiji, FERK je, uz ostalo, nadležan za utvrđivanje tarifnih stavova za korisnike distributivnih sistema i tarifnih stavova za nekvalifikovane kupce, kao i za zaštitu prava kupaca, elektroprivrednih društava za distribuciju i proizvođača električne energije, te nadgledanje odnosa u elektroenergetskom sektoru i regulisanje kvaliteta usluga na svim nivoima, kao i tarife i naknade koje se plaćaju na monopolske usluge u distribuciji, imajući u vidu interese i potrebe svih korisnika za snabdijevanjem električnom energijom.

Član 49. Pravilnika za tarifnu metodologiju i tarifne postupke propisuje kako tarifni stavovi predstavljaju jedinične cijene za tarifne elemente utvrđene tarifnom metodologijom za svaku kategoriju i grupu potrošnje, te da se razlikuju dnevni tarifni stavovi, sezonski tarifni stavovi, tarifni stavovi u zavisnosti od nivoa potrošnje (blok tarifa) i tarifni stavovi u zavisnosti od vremena trajanja vršnog opterećenja, kao i da FERK posebnom odlukom odobrava i proglašava važećim tarifne stavove po završetku tarifnog postupka.

Članom 50. pravilnika propisano je da korisnici distributivnog sistema plaćaju elektroprivrednom društvu, koje se bavi djelatnošću distribucije, tarifu za distributivnu mrežarinu i tarifu za mjesečnu naknadu. Navedene tarife plaćaju svi kupci priključeni na distributivni sistem zavisno o kategoriji i grupi potrošnje. Tarifom za distributivnu mrežarinu pokrivaju se sljedeći troškovi:

- a) rad i održavanje,
- b) vođenje distributivne mreže,
- c) razvoj distributivne mreže,
- d) pokrivanje gubitaka energije u distributivnoj mreži u iznosu koji odobrava FERK.

Također, je propisano i da tarifom za mjesečnu naknadu se pokrivaju troškovi vezani za mjerno mjesto kupca:

- a) održavanje priključka,
- b) održavanje, očitavanje i baždarenje mjernih uređaja.

Članom 56. ovog pravilnika, uz ostalo, propisano je da je diskreciono pravo i ovlaštenje FERK-a da razmotri i potvrdi sve troškove i prihode dostavljene kao podrška predloženim tarifama

te da prihvati, odbije ili prilagodi bilo koju stavku koja nije opravdana, razmotri i potvrdi cjelokupna sredstva koja su predložena biti dijelom osnove regulisanih sredstava i da prihvati, odbije ili prilagodi vrijednost bilo kojeg od tih sredstava, prihvati, odbije ili prilagodi svaku veličinu ili analizu korištenu za proračun predložene tarife, i prihvati predložene tarife ili ih prilagodi na odgovarajući način.

Članom 71. istog pravilnika propisano je da će FERK, uvažavajući načelo postupnog uvođenja međunarodno prihvaćene regulatorne prakse i postupnog uvođenja općeprihvaćenih međunarodnih standarda u tarifnom postupku, voditi računa o izbjegavanju naglih i velikih promjena tarifa u prelaznom periodu, kao i o postupnom ukidanju unakrsnih subvencija između elektroprivrednih djelatnosti, kategorija i grupa potrošnje, kao i o postupnosti pri odobravanju stope povrata na vlasnički kapital, te da postupnost u primjeni tarifne metodologije u prelaznom periodu podrazumijeva i postupnost u eventualnim izmjenama tarifa, koje će na kraju prelaznog perioda u potpunosti biti zasnovane na opravdanim troškovima.

FERK je 05.11.2009. godine donio Odluku o provođenju četvrtog tarifnog postupka broj 01-07-1311-02/09, kojom je pokrenuo, na svoju inicijativu, četvrti tarifni postupak za Javno poduzeće „Elektroprivreda Hrvatske zajednice Herceg Bosne“ dioničko društvo Mostar i to radi utvrđivanja potrebnog prihoda za djelatnost snabdijevanja električnom energijom I. reda (nekvalifikovani (tarifni) kupci), a na godišnjem nivou, uključujući i trošak nabavke električne energije za potrebe nekvalifikovanih (tarifnih) kupaca, te kojom je odredio potrebnu dokumentaciju i rok za podnošenje potrebnih dokumenata od Javnog poduzeća „Elektroprivreda Hrvatske zajednice Herceg Bosne“ dioničko društvo Mostar potrebnih za provođenje četvrtog tarifnog postupka. Istom odlukom FERK je utvrdio kako su započeli postupci formalnih rasprava u četvrtom tarifnom postupku. 23.12.2009. godine FERK je od Javnog poduzeća „Elektroprivreda Hrvatske zajednice Herceg Bosne“ dioničko društvo Mostar primio Zahtjev za odobrenje tarifa za djelatnost proizvodnje električne energije upisan pod brojem 07-02-1592/25/09, Zahtjev za odobrenje tarifa za djelatnost distribucije električne energije upisan pod brojem 07-02-1593/26/09 i prijedlog tarifnih stavova za nekvalifikovane (tarifne) kupce Javnog poduzeća „Elektroprivreda Hrvatske zajednice Herceg Bosne“ dioničko društvo Mostar. U skladu sa članom 9. i 71. Pravilnika za tarifnu metodologiju i tarifne postupke, FERK je 24.02.2010. godine donio Odluku broj 07-02-1592-07/25/09 i 07-02-1593-07/26/09 o provođenju trećeg tarifnog postupka, kao i postupka formalnih rasprava.

FERK je Odlukom broj 01-07-1311-16/09, 07-02-1592-08/25/09, 07-02-1593-08/26/09 i 01-07-198-03/10 od 24.02.2010. godine o planu aktivnosti na provođenju postupaka formalnih rasprava tokom trećeg i četvrtog tarifnog postupka, utvrdio plan aktivnosti na provođenju formalnih rasprava u trećem i četvrtom tarifnom postupku, među kojima i formalnu raspravu o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar koji su u FERK primljeni 12.03.2010. godine pod brojem 01-07-198-36/10.

Status umješača u postupku formalne rasprave o tarifnim stavovima za korisnike distributivnog sistema su stekli Udruženje proizvođača i prerađivača aluminija – BiH Zaključkom broj 01-07-198-20/10, Udruženje za poduzetništvo i posao LINK Mostar Zaključkom broj 01-07-198-21/10, Obrtnička komora Hercegovačko-neretvanske županije/kantona Zaključkom broj 01-07-198-23/10, Vlada Županije zapadnohercegovačke Zaključkom broj 01-07-198-24/10, FE-AL d.o.o Mostar Zaključkom broj 01-07-198-25/10 i FEAL d.o.o Široki Brijeg Zaključkom broj 01-07-198-26/10, donesenim od FERK-a 11.03.2010. godine. FERK je 06.04.2010. godine donio Zaključak broj 01-07-198-51/10 kojim se odobrava Zahtjev za sticanje statusa umješača podnosioca Institucije Ombudsmana za zaštitu potrošača u BiH, u onom stanju u kojem ga zatiče prilikom stupanja u

postupak iz razloga jer je Zahtjev za sticanje statusa umješača podnesen nakon isteka roka za podnošenja istog.

Postupajući po dostavljenoj dokumentaciji Javnog poduzeća „Elektroprivreda Hrvatske zajednice Herceg Bosne“ dioničko društvo Mostar u trećem i četvrtom tarifnom postupku, FERK je Rješenjem broj 07-02-1592-82/25/09 od 21.07.2010. Javnom poduzeću „Elektroprivreda Hrvatske zajednice Herceg Bosne“ dioničko društvo Mostar za obavljanje djelatnosti proizvodnje električne energije odobrio potreban godišnji prihod od nekvalifikovanih (tarifnih) kupaca zasnovan na priznatim planskim troškovima za bilansiranu proizvodnju električne energije i snage za 2010. godinu u iznosu od 77.470.000 KM.

Rješenjem broj 07-02-1593-73/26/09 od 21.07.2010. FERK je Javnom poduzeću „Elektroprivreda Hrvatske zajednice Herceg Bosne“ dioničko društvo Mostar za obavljanje djelatnosti distribucije električne energije odobrio potreban prihod od tarifa za korisnike distributivnog sistema zasnovan na priznatim planskim troškovima za bilansirane količine električne energije i snage na distributivnoj mreži za 2010. godinu u iznosu od 54.162.000 KM i prihod za pokrivanje distributivnih gubitaka u iznosu od 14.659.364 KM.

Rješenjem broj 01-07-1311-91/09 od 21.07.2010. FERK je Javnom poduzeću „Elektroprivreda Hrvatske zajednice Herceg Bosne“ dioničko društvo Mostar za djelatnosti snabdijevanja električnom energijom I. reda odobrio potreban godišnji prihod od nekvalifikovanih (tarifnih) kupaca na priznatim planskim troškovima za 2010. godinu u iznosu od 14.763.893 KM i trošak nabavke električne energije u iznosu od 103.800.001 KM za nabavku 1.175,345 GWh električne energije.

Tarifni stavovi za korisnike distributivnog sistema utvrđeni su na osnovu troškova djelatnosti distribucije, troškova za pokrivanje prenosnih i distributivnih gubitaka, troškova prenosa električne energije i rada NOS-a, uključujući troškove usluga sekundarne i tercijarne regulacije i prekomjerno preuzete reaktivne električne energije.

Tarifni stavovi za korisnike distributivnog sistema zasnovani su na sljedećem:

- na odobrenom potrebnom prihodu djelatnosti distribucije u iznosu od 54.162.000 KM,
- na odobrenim troškovima za pokrivanje gubitaka u distributivnoj mreži u iznosu od 14.659.364 KM,
- na pripadajućim troškovima za pokrivanje gubitaka na prenosnoj mreži, koji se odnose na kupce priključene na distributivnu mrežu u iznosu od 3.964.891 KM (koji se dobiju primjenom tarife za pokrivanje prenosnih gubitaka koju je utvrdio DERK u iznosu od 0,1761 pf/kWh - Odluka DERK-a broj 04-28-5-348-79/09, „Službene novine Federacije BiH“ broj 28/10),
- na pripadajućim troškovima prenosa za kupce priključene na distributivnu mrežu u iznosu od 20.699.850 KM (koji se dobiju primjenom tarifa koje je utvrdio DERK i to prosječne prenosne mrežarine od 0,87 pf/kWh, prenosne mrežarine za snagu u iznosu od 1,478 KM/kW i prenosne mrežarine za energiju u iznosu od 0,566 pf/kWh – Odluka DERK-a broj 04-28-5-367-42/09, „Službene novine Federacije BiH“ broj 28/10),
- na troškovima za rad NOS-a koji se odnose na kupce priključene na distributivnu mrežu u iznosu od 979.402 KM (koji se dobiju primjenom tarife za rad NOS-a koju je utvrdio DERK u iznosu od 0,0435 pf/kWh – Odluka DERK-a broj 04-28-5-348-78/09, „Službene novine Federacije BiH“ broj 28/10),
- na troškovima sekundarne i tercijarne regulacije koji se odnose na kupce priključene na distributivnu mrežu u iznosu od 4.791.192 KM (koji se dobiju primjenom tarife za

sekundarnu i tercijarnu regulaciju koju je utvrdio DERK u iznosu od 0,2128 pf/kWh – Odluka DERK-a broj 04-28-5-348-79/09, „Službene novine Federacije BiH“ broj 28/10),

- na troškovima koji se odnose na prekomjerno preuzetu reaktivnu električnu energiju koji se odnose na kupce priključene na distributivnu mrežu u iznosu od 1.468.000 KM.

Troškovi distributivne mreže (odobren potreban prihod djelatnosti distribucije), uključujući troškove gubitaka električne energije u distributivnoj mreži, alocirani na tarifne elemente i kategorije potrošnje utvrđeni su u sljedećim iznosima:

Kategorije i grupe potrošnje	Trošak distribucije	Trošak distributivnih gubitaka po kategorijama potrošnje	Cijena korištenja distributivne mreže (uključeni troškovi distributivnih gubitaka)	
	(KM)	(KM)	(KM/kW)	(KM/kWh)
35 kV	106.283	17.746	4,41990	0,00295
10 kV	2.371.216	555.071	5,88667	0,00382
0,4 kV Kućanstva ukupno	34.267.208	9.985.613	4,10333	0,05101
0,4 kV Ostala potrošnja I tarifna grupa	7.251.549	1.664.469	8,00000	0,03788
0,4 kV Ostala potrošnja II i III tar. grupa	8.637.413	2.112.079	8,00000	0,06316
0,4 kV Javna rasvjeta	1.528.331	324.387	0,00000	0,08094
UKUPNO	54.162.000	14.659.364	-	-

Ukupni troškovi i cijene korištenja prenosne i distributivne mreže u koje su uključeni i troškovi usluga sekundarne i tercijarne regulacije i prekomjerno preuzete reaktivne električne energije alocirani na kategorije i grupe potrošnje korisnika distributivnog sistema po tarifnim elementima su sljedeći:

Kategorije i grupe potrošnje	Ukupan trošak korištenja prenosne i distributivne mreže	Cijene korištenja prenosne i distributivne mreže uključujući gubitke, prekomjerno preuzetu jalovu el. energiju, tarife prijenosa, rada NOS-a i sistemskih usluga		
	(KM)	(KM/kW)	(KM/kWh)	(KM/kvarh)
35 kV	227.218	5,89790	0,01421	0,021435294
10 kV	5.426.897	7,36467	0,01508	0,026794118
0,4 kV Kućanstva ukupno	55.231.665	5,58133	0,06234	0
0,4 kV Ostala potrošnja I tarifna grupa	11.715.417	9,47800	0,04922	0,032152941
0,4 kV Ostala potrošnja II i III tar. grupa	12.685.508	9,47800	0,07449	0
0,4 kV Javna rasvijeta	2.138.471	1,47800	0,09227	0
UKUPNO	87.425.176	-	-	-

FERK je u razmatranju dostavljene dokumentacije u trećem i četvrtom tarifnom postupku u najvećoj mogućoj mjeri poštovao osnovna načela koja propisuju kako će tarife biti pravedne i razumne, ravnopravne i određene na transparentan način, uvažavajući da postupnost u primjeni tarifne metodologije u prelaznom periodu podrazumijeva i postupnost u izmjenama tarifa, koje će tek na kraju prelaznog perioda u potpunosti biti zasnovane na opravdanim troškovima, a sve u skladu sa odredbama Pravilnika za tarifnu metodologiju i tarifne postupke, koje se odnose na prelazni period.

Kako se može vidjeti u Pravilniku za tarifnu metodologiju i tarifne postupke u poglavlju o prelaznom periodu, politika FERK je da se elektroenergetski sektor mora kretati u pravcu tarifa koje pokrivaju opravdane troškove regulisanog preduzeća. Cilj je FERK-a da regulisana preduzeća rade na efikasan i ekonomičan način provodeći aktivnosti koje će prouzrokovati neophodne, opravdane troškove i ostvarivati prihod po regulisanim tarifama.

FERK je u svom Pravilniku za tarifnu metodologiju i tarifne postupke zatražio da regulisana preduzeća posluju u skladu sa Zakonom o električnoj energiji. U smislu utvrđivanja opravdanosti troškova, potrebnih za pokrivanje distributivnih gubitaka električne energije za sve nekvalifikovane (tarifne) i kvalifikovane kupce koji su priključeni na distributivni sistem Javnog poduzeća „Elektroprivreda Hrvatske zajednice Herceg Bosne“ dioničko društvo Mostar, ukoliko ista ima nedovoljne količine električne energije za svoje kupce pa istu mora nabavljati, tada cijena te nabavljene električne energije za pokrivanje distributivnih gubitaka mora biti uključena u portfelj proizvodnje električne energije za pokrivanje ovih gubitaka, čiji će trošak biti raspoređen na sve nekvalifikovane (tarifne) i kvalifikovane kupce koji se snabdijevaju preko distributivne mreže. Obavezne prakse su implementiranje standarda nediskriminacije i obaveze javne usluge nametnute od Parlamenta FBiH u obliku Zakona o električnoj energiji, što znači kako sada postoje standardi koje FERK provodi u javnosti što rezultira nediskriminacijom i pravilnom raspodjelom troškova.

Važno je da Javno poduzeće „Elektroprivreda Hrvatske zajednice Herceg Bosne“ dioničko društvo Mostar, kao i cijeli sektor i javnost, razumiju kako su standardi koje FERK nameće elektroprivrednom društvu nastali primjenom zakona i sastoje se od ispitivanja i opravdavanja podataka o troškovima koje je prouzrokovalo regulisano preduzeće. FERK se ponaša u skladu sa zakonom; troškove je prouzrokovalo regulisano preduzeće prilikom svog poslovanja, tako da je isto dužno prikazati i opravdati te troškove u skladu sa članom 30. Pravilnika za tarifnu metodologiju i tarifne postupke, a FERK u skladu sa članom 58. Poslovnika o radu FERK-a prilikom odlučivanja o opravdanosti nekog troška uzima u obzir i činjenicu da je informacija o istom data ili uskraćena.

Kada se radi o tarifama, dužnosti nezavisnog regulatora u skladu sa zakonom su: verifikacija podataka o troškovima i postupno uvođenje promjena tarifa s ciljem potkrepljivanja tarifa zasnovanih na troškovima u skladu sa Direktivama EU, Zakona i propisa koje donosi FERK. Regulisana preduzeća imaju obavezu pridržavati se propisa za distribuciju električne energije kupcima u skladu sa obavezom vršenja javne usluge.

Sva regulisana preduzeća koja imaju obavezu vršenja javne usluge moraju poslovati što je moguće ekonomičnije. Ova obaveza ima svoje temelje u zakonu, a posebno:

Dozvola za rad - licenca za obavljanje elektroprivredne djelatnosti distribucija električne energije dodijeljena Javnom poduzeću „Elektroprivreda Hrvatske zajednice Herceg Bosne“ dioničko društvo Mostar, sadrži obavezu vršenja javne usluge za Javno poduzeće „Elektroprivreda Hrvatske zajednice Herceg Bosne“ dioničko društvo Mostar opisanu u stavovima 4.2.1. i 4.1.1. tako da: „Imalac licence je obavezan distribuciju električne energije obavljati kao javnu uslugu, kako je propisano važećim zakonima, podzakonskim aktima, propisima i pravilima FERK-a i u skladu sa direktivama EU i međunarodnim ugovorima, koje je prihvatila BiH.”

- Direktiva 2003/54/EZ vezana za Zajednička pravila za unutrašnja tržišta električne energije, u članu 3. opisuje obavezu javne usluge i dužnost preduzeća koje ima obavezu javne usluge štiti svoje kupce. Posebno, formulacija navodi: “. . . U općem ekonomskom interesu, države članice mogu poduzetništvima koja djeluju u elektroenergetskom sektoru, nametnuti obavezu javne usluge koja je vezana za sigurnost, uključujući sigurnost snabdijevanja, redovnost, kvalitet i cijene snabdijevanja i zaštite okoline, uključujući i energetske efikasnost i klimatsku zaštitu.”

- Prema članu 4. Pravilnika za tarifnu metodologiju i tarifne postupke, obaveza javne usluge definisana je tako da „označava obavezu elektroenergetskih preduzeća da vrše izvjesne elektroenergetske djelatnosti kao javnu uslugu, prije svega vezano za sigurnost, redovnost, kvalitet, cijene snabdijevanja i zaštite okoline u skladu sa zakonom i direktivama EU.”

Obaveza javne usluge znači da elektroprivredno društvo mora raditi u općem ekonomskom interesu kupaca, uzrokujući troškove koji su razumni i zasnovani na uobičajenoj međunarodnoj praksi, što podrazumijeva planiranje i distribuciju električne energije u korist kupaca.

Prilikom donošenja ove odluke FERK je vodio računa o sveobuhvatnom procesu reforme elektroenergetskog sektora u Bosni i Hercegovini, čiji je cilj ekonomski zdrav i održiv razvoj elektroenergetskog sektora. FERK je pošao i od činjenice da odluku donosi u prelaznom periodu, kada je u najvećoj mogućoj mjeri poštovao osnovna načela koja propisuju kako će tarife biti pravedne i razumne, ravnopravne i određene na transparentan način uvažavajući da postupnost u primjeni tarifne metodologije u prelaznom periodu podrazumijeva i postupnost u izmjenama tarifa koje će tek na kraju prelaznog perioda u potpunosti biti zasnovane na opravdanim troškovima, a sve u skladu sa odredbama Pravilnika za tarifnu metodologiju i tarifne postupke koje se odnose na prelazni period. FERK smatra kako elektroprivredno društvo mora poslovati efikasno i ekonomično, provodeći aktivnosti koje će prouzrokovati neophodne opravdane troškove.

Na osnovu Rješenja broj 07-02-1592-82/25/09, Rješenja broj 07-02-1593-73/26/09 i Rješenja broj 01-07-1311-91/09, a u skladu sa odlukama Državne regulatorne komisije za električnu energiju - DERK broj 04-28-5-367-42/09, broj 04-28-5-348-78/09 i broj 04-28-5-348-79/09 od 27.04.2010. godine („Službeni novine Federacije BiH“ broj 28/10), a slijedeći ciljeve kojima se FERK vodio, čije ostvarenje mu je povjerio Zakon o električnoj energiji, a pravila i propisi FERK-a, kao provedbeni akti navedenog Zakona potvrdili, odnosno vodeći se time da tarife trebaju biti razumne, ravnopravne i određene na transparentan način, kao i uvažavajući postupnost u eventualnim izmjenama tarifa, koje će tek na kraju prelaznog perioda u potpunosti biti zasnovane na opravdanim troškovima, te imajući u vidu sve specifične okolnosti koje postoje u elektroenergetskom sektoru i Federaciji Bosne i Hercegovine uopće, kao i to da je provođenje politike FERK-a u neposrednom odnosu s istim aktivnostima, FERK je odlučio kao u dispozitivu.

**PREDSJEDNIK FERK-a**  
**Zdenko Šimunović s.r.**